



Қош келдіңіз, жаңа 2026 жыл!



№52 (8204)
25 желтоқсан
БЕЙСЕНБІ,
2025 ЖЫЛ



Жылыой аудандық қоғамдық-саяси газеті

Кен Жылой

Газет 1933 жылы 4 қазаннан шыға бастады

www.facebook.com/kenzhyloi
ken_jyloi_gazeti

* Мерекелік лебіз



ҚҰРМЕТТІ ЖЫЛЫОЙ АУДАНЫНЫҢ
ТҰРҒЫНДАРЫ!

ҚАДІРЛІ АҒАЙЫН!

Сіздерді жарқын қиып пен жаңашылдыққа толы 2026 жылмен шын жүректен құттықтаймын!

Жаңа жыл – өткенге есеп беріп, болашаққа нық қадам жасайтын, ел бірлігін бекемдеп, игі істерге жетелейтін ерекше кезең. Бұл – жаңа мақсаттар қойылып, тың бастамалар жүзеге асатын уақыт.

Өткен жылы ауданымызда әлеуметтік-экономикалық дамуға бағытталған бірқатар маңызды жобалар іске асырылды. Алдағы уақытта да осы игі істер жалғасын тауып, ауданымыздың өсіп-өркендеуі жолындағы жұмыстар жүйелі түрде жүзеге аса беретініне сенім мол.

2026 жыл әр шаңыраққа құт-береке, мол ырыс пен тағулық әкелсін. Бірлігіміз бекем болып, еңбегіміздің жемісін бірге көрейік. Ел игілігі жолындағы ортақ мақсаттарымыз орындалып, жаңа жетістіктерге жету нәсіп болсын. Жаңа жылда баршаңызға зор денсаулық, отбасыларыңызға амандық, еңбектеріңізге жабыс өмірлеріңізге қуаныш пен жақсылық тілеймін! Жаңа жыл құтты болсын!

Ізгі ниетпен, Жұмабек ҚАРАЖАНОВ,
аудан әкімі

* Билік пен бұқара



Көтерілген мәселелер назардан тыс қалмайды

Жұырда облыс әкімі Серік Шәпкенов жұмыс сапары аясын-Жда жылыойлықтармен кездесіп, ауданның әлеуметтік-экономикалық даму қорытындылары мен алдағы жоспарларды талқылады. Кездесу барысында аудан инфрақұрылымының жетілуі, тұрғын үй-коммуналдық шаруашылық, жол, білім, денсаулық сақтау, мәдениет, спорт және су тасқынының алдын алу бағыттарында атқарылып жатқан жұмыстар кеңінен баяндалып, алдағы жоспарлар таныстырылды. Сонымен қатар тұрғындар тарапынан көтерілген өзекті мәселелер мен ұсыныс-пікірлер тыңдалып, әкімнің жеке қабылдауы өтті. Жиынға облыс әкімнен бөлек аудан әкімі мен аудан әкімінің орынбасарлары, дербес бөлім басшылары, сондай-ақ ауыл әкімдері қатысты.

Алдымен ауданның әлеуметтік са-ласына тоқталып, оның ішінде білім беру бағытына ерекше көңіл бөлген облыс әкімі Серік Жамбылұлы жиында жылыойлықтарды атқарылған жұмыстар мен алдағы жоспармен таныстырып:

- Өздеріңізге белгілі, бүгінгі кездесуіміздің басты мақсаты – елді мекендерді дамыту, инфрақұрылымды жақсарту және тұрғындар үшін қолайлы жағдай қалыптастыру бағытында атқарылатын жұмыстарды бірге талқылау, сондай-ақ сіздердің ұсыныс-пікірлеріңізді тыңдау. Көтерілген әрбір мәселе мен айтылған ұсыныс назардан тыс қалмайды, олардың негізінде арнайы жоспар жасақталып, нақты іс-шаралар қабылданып болады. Алдымен ауданымызда жүзеге асырылған және қазір жүргізіліп жатқан жұмыстарға қысқаша тоқталып өтейін. Бүгінде Жылыой мектептеріндегі орын тапшылығын шешу мақсатында «Келешек мектептері» ұлттық жобасы аясында бірқатар маңызды жұмыстар жүргізілуде. Атап айтсақ, Құлсары қаласында 1200 орындық жаңа мек-

теп құрылысы жүзеге асуда. Бүгінгі күні мектептің құрылысы 80%-ға аяқталды, нысан 2026 жылдың 1 тоқсанында пайдалануға беріледі. Одан бөлек мұнда 300 орындық білім-инновациялық мектептің құрылыс жұмыстары басталып, жоспар бойынша 2026 жылы пайдалануға беріледі. Ауылдық жерлерде де білім беру инфрақұрылымын дамыту мақсатында «Ізгілік» бағдарламасы аясында Шоқпартоғай ауылында 280 балабақша құрылысын салу жұмыстары басталды. 2026 жылы аталған бағдарлама аясында Майкөмген ауылында жаңа 300 орындық мектеп құрылысы басталады. 2026 жылға қарай аудан бойынша 4 мектепті, атап айтсақ, №1, №7, №9, №22 мектептерді заманауи күрделі жөндеуден өткізу, яғни реновациялау жоспарланып отыр. Бұл жұмыстар мектептердің материалдық-техникалық базасын жаңғыртып, оқушыларға сапалы білім беру үшін қажетті жағдай жасауға мүмкіндік береді,-деді сөзін бастап.

➤ 2-БЕТ

Құрметті Жылыой ауданының тұрғындары мен қонақтары!

«Теңізшевройл» ЖШС-нің көп ұлтты ұжымы атынап сіздерді келе жатқан Жаңа жыл мерекесімен шын жүректен құттықтаймыз! Бұл мереке жүректерге жарқын үміт пен шабыт сыйлап, жаңа мүмкіндіктерге жол ашады.

Аяқталып жатқан 2025 жыл біз үшін айтулы жетістіктер мен табыстарға толы болды. «Теңізшевройл» компаниясы Келешек кеңею жобасын сәтті әрі қауіпсіз іске қосып, ел экономикасының дамуына және Қазақстанның тұрақты өркендеуіне елеулі үлес қосты. Сонымен қатар компаниямыз өңір тұрғындарының игілігі үшін бірқатар әлеуметтік бастамаларды жүзеге асырды: Жылыой ауданында ерекше білім беру қажеттіліктері бар балаларға арналған инклюзияны қолдау кабинеті ашылды, алты арнайы техника табысталды, ал Орталық аудандық аурухана үшін заманауи медициналық жабдық сатып алынды. Сондай-ақ, ТПО Қазақстанның отырып ойыны-тын волейбол федерациясына спорттық жабдық пен шағын автобус сыйға тартты, ал Атырау қаласы Жанатап ауылының тұрғындары үшін дене шынықтыру-сауықтыру кешені салынды. Бұған қоса компаниямыз үкіметтік емес ұйымдардың 20 әлеуметтік жобасын жүзеге асыруға қолдау көрсетіп, осылайша өңірдің әлеуметтік өмірінің жап-дануы мен облыс тұрғындарының әл-ауқатын арттыруға өз үлесін қосты.

Жаңа 2026 жыл бірлескен жобалар үшін жаңа мүмкіндіктер әкеліп, болашаққа деген ортақ сенімімізді нығайтсын! Сіздерге толағай табыс, істеріңізге береке, шаңырақтарыңызға шаттық пен амандық тілейміз. Жаңа жыл құтты болсын!

Уильям ЛАКОБИ,
«Теңізшевройл» ЖШС
Бас директоры

Қуанышкерей МҰХТАРОВ,
«Теңізшевройл» ЖШС
Бас директорының орынбасары

